

եր հորը: Նա այնպիսի մի ուժգին թափով սենեակից դուրս նետոեցաւ, որ, գնդակի նման իմ մօտից անցնելով, ինձ չտեսաւ: Նա նոյն արագութեամբ վազեց մինչեւ պարտեզի դուռը, մի քանի անգամ շարժեց, երբ տեսաւ, որ փակ է, բարկացաւ եւ կրկին նետոեցաւ դէպի սրահը: Այժմ միայն տեսաւ ինձ եւ, որպէս վաղեմի ծանօթ, մօտեցաւ, գրկեց իմ պարանոցը:

– Եթէ գնայի պարտեզը, քեզ համար ծիրան կը բերէի, – ասաց ինձ:

– Ինչո՞ւ չգնացիր, – հարցրի ես, փայփայելով նրա սիրուն գլուխը:

Նա իր խոշոր, խաժ աչքերով դարձրեց դէպի ինձ եւ գանգատոտելու եղանակով պատասխանեց.

– Դուռը փակ էր: Դու չես իմանում ինչ սատանայ է այդ Ծովիկը, երբ որ նա պարտեզն է գնում, դուռը միշտ փակում է, որ ես չմտնեմ: Ասում է, դու ծաղիկները փչացնում ես: Դու խօս գիտես, որ ես չեմ փչացնում:

Փոքրիկի գանգատը իր քրոջ մասին էր: Բայց ի՞նչ առիթով այդ չարածճիի գլխին փչեց՝ ինձ վկայ բռնել, որ նա չէ փչացնում:

– Ինչպէ՞ս է քո անունը, – հարցրի ես:

– Քոթոթ, – պատասխանեց նա, ինքն էլ ծիծաղելով իր օտարոտի անուն վրայ:

– Քոթոթ՞, ի՞նչ լաւ անուն է:

– Ես էլ լաւ տղայ եմ, – ասաց նա մի առանձին պարծանքով: – Չայրիկը ինձ ասում է՝ դու քոթոթ ես, արջի քոթոթ, դու խօս տեսնում ես, որ ես քոթոթ չեմ:

– Դու քոթոթ տեսե՞լ ես:

– Տեսել եմ, մի անգամ մեր բակում պար էին ածում: Ու՛հ, ինչպէս մազոտ թաթիկներ ունէր: Մտիկ տո՛ւր իմ ձեռքերին, իմ ձեռքերը խօս այնպէս մազոտ չէն:

Նա իր սիրուն ձեռքերը դրեց իմ ափի մէջ:

– Քո ձեռքերը այնպէս չէն:

– Էլ ինչո՞ւ են ասում ինձ քոթոթ:

– Ես կասեմ հայրիկին, որ էլ չասէ:

Նա, փոխանակ շնորհակալութեան, դարձեալ գրկեց իմ պարանոցը եւ ջերմ կերպով համբուրեց ինձ:

– Ասա՛ հայրիկին, որ Ծովիկը սուտ է ասում. դու խօս իմանո՞ւմ ես, որ ես ծաղիկները չեմ փչացնում: